

Bashamento di vloer di edificio Multi funcional di Paradera a tuma luga

ORANJESTAD – Plannan pa ehecucion di e edificio multi-funcional den e bario ta bayendo satisfactoriamente y segun plan, mientras cu MFA Noord ta yegando cerca di su fecha di apertura.

56 meter cubico di beton a wordo basha pa forma e base di e di dos facilidad multifuncional den bario cu ta construi, den un total di cinco rond di e isla.

Presente tabata Ir. Joel Croes, diseñador di e edificio y tambe miembronan di e ekipo di maneho di MFA. Premier Eman a papia cu director di Thiel Corporation, contratista local encarga cu e trabou, pa asina pone su mes na altura di e ultimo desaroyonan di e trabou.

Lo establece un MFA den cada distrito pa reemplaza y amplia e servicionan di oficina auxilia di gobierno.

Ademas di tur e servicionan existente di un oficina auxilia di gobierno, MFA ta introduci den cada distrito espacio pa reunion, manifestacion



cultural, cafetaria, biblioteca y servicionan adicional manera AZV y otro instancianan publico. Den caso di Paradera,

comunidad a pidi pa espacio caminda por duna les di religion y a cumpli cu esey. Cada MFA ta traha segun deseonan

di habitantenan di cada bario. Despues di Noord y Paradera, e trabou ta sigui na Savaneta, Santa Cruz y San Nico-

las. MFA ta bin pa haci e bida di e ciudadano mas facil, pero tambe pa incentiva e goso en comun di espacio publico.